



सुदूरपश्चिमके १९औं संस्करण अगहन २२ गतेसे

गेटा स्वास्थ्य विज्ञान विश्वविद्यालयके उपकुलपति ओ रजिष्ट्रारके लाग दरखास्त माग

पहुरा समाचारदाता
धनगढी, १६ कार्तिक । सुदूरपश्चिम
महोत्सव २०८२ के १९औं संस्करण
अगहन २२ गतेसे पुस २ गतेसम संचालन
हुइना जनागिल बा । महोत्सव आयोजक
कैलाली उद्योग वाणिज्य संघसे अँटवारके
रोज पत्रकार सम्मेलनके आयोजना करके
उ जानकारी देहल हो ।

संघके अध्यक्ष पुष्करराज ओझा
सुदूरपश्चिमके कला, संस्कृति, परम्परा,
खानपान ओ कृषिके प्रवर्द्धन कैनाके साथै
व्यापारिक गतिविधि विस्तार कैना
महोत्सवके उद्देश्य रहल जनैलै ।
महोत्सवसे प्रदेशके आर्थिक, सामाजिक
ओ सांस्कृतिक एकता सुदृढ कैना मद्दत
पुगैना विश्वास लेहल बा ।

उहाँ महोत्सवसे स्थानीय उत्पादन,
हस्तकला, कृषि उपज, उद्यमशीलता ओ
पर्यटन प्रवर्द्धनमे समेत टेवा पुना बटैलै ।
अध्यक्ष ओझाके अनुसार यी बरस
महोत्सवमे स्थानीय कलाकारके
सांस्कृतिक प्रस्तुति, कृषि तथा उद्योग
प्रदर्शनी, महिला तथा युवाका उद्यम स्टल,
विविध प्रतियोगिता ओ मनोरञ्जनात्मक
कार्यक्रम रहना बावै ।

साथै बालबालिकाके लाग खेलकुद



क्षेत्र, कृषि प्रविधि प्रदर्शन ओ घरेलु
उत्पादनके बिक्री समेत हुइना जनाइल
बा । “समृद्ध सुदूरपश्चिमके लाग आर्थिक
समृद्धि” कना मूल नाराके साथ आयोजना
हुइना महोत्सवके लागत ३ करोड अनुमान
करल बा । कलेसे सात लाख व्यक्तिके
अवलोकनके अपेक्षा कैटी १५ करोड
बराबरके आर्थिक करोवार हुइना अध्यक्ष
ओझा अनुमान करल बटैलै ।

महोत्सव धनगढी
उपमहानगरपालिका १ पशुपति टोलमे
सञ्चालन हुइना बा । महोत्सवमे
सुदूरपश्चिमके सात जिल्लाके व्यापारी,
उद्योगी, कृषक तथा सांस्कृतिक समूहके
सहभागिता रहना जनाइल बा ।
महोत्सवमे पाँचसय स्टल रहना
जनाइल बा । ओम्नेसे कृषिके लाग ४०
ठो निःशुल्क स्टल, महिला उद्यमी, एकल

महिला स्थानीय परिकारके लाग १५ स्टल
रहना जनाइल बा । महोत्सव
अवलोकनके लाग विद्यार्थी, खेलाडीहे ५०
रुपया टिकट दर निर्धारण करल बा
कलेसे सर्वसाधारणके लाग एकसय रुपया
ओ जेष्ठ नागरिक, फरक क्षमता रहल
व्यक्तिके लाग प्रवेश निःशुल्क रहना
जनाइल बा । ओस्टके संघमे दर्ता होके
नियमानुसार नविकरण हुइल व्यवसायी
सदस्यहे सदस्यता पत्र देखाके निःशुल्क
प्रवेश पैना रहल बा । (बाँकी ४ पेजमे)

पहुरा समाचारदाता
धनगढी, १६ कार्तिक । शहिद दशरथ
चन्द स्वास्थ्य विज्ञान विश्वविद्यालयके
उपकुलपति ओ रजिष्ट्रारके लाग
दरखास्त दिन आह्वान करल बा ।

शिक्षा, विज्ञान तथा प्रविधि
मन्त्रालयसे १५ दिनके समय देके दरखास्त
मागल हो । नाम सिफारिस कैना गठित
सिफारिस समितिके १४ कार्तिकमे स्वीकृत
करल कार्यविधि अनुसार उपकुलपति वा
रजिष्ट्रार पदके लाग दरखास्त पेस कैना
कहल हो ।

उपकुलपति उम्मेदवारके योग्यता
मान्यता प्राप्त विश्वविद्यालयसे
चिकित्सा शिक्षासँग सम्बन्धित कौनो
विधा (हेल्थ प्रोफेशनल एजुकेशन) मे
विद्यावारिधि, डीएम्, एमसीएच वा उ
सरहके उपाधि प्राप्त करल हुई पर्ना
बा । कौनो विश्वविद्यालयके प्राध्यापक
पदमे रहिके कम्तीमे १० वर्ष काम करल
हुई पर्ना बा ।

शैक्षिक वा प्राज्ञिक उन्नयनके
क्षेत्रमे उत्कृष्ट व्यवस्थापकीय कुशलता,
नेतृत्व क्षमता, सिप ओ कौशल प्रदर्शन
करल हुईपर्ना बा ।

प्राज्ञिक तथा अनुसन्धानमूलक
परियोजना सफलतापूर्वक सम्पन्न करल
हुईपर्ना बा ।

राष्ट्रिय वा अन्तर्राष्ट्रियस्तरके
जर्नलमे अनुसन्धानमूलक लेख तथा सन्दर्भ
सामग्री प्रकाशन करल हुईपर्ना
कार्यविधिमे उल्लेख बा ।

दरखास्त पेस कैना अन्तिम दिनसम
३५ वर्ष उमेर पूरा हुके ६१ वर्ष उमेर
नैनाघल हुईपर्ना कहल बा । दरखास्त
डेना तत्कालआधे कौनो राजनीतिक दलके
सदस्य नैरहल हुईपर्ना कहल बा ।

रजिष्ट्रारके उम्मेदवारके योग्यता
मान्यता प्राप्त विश्वविद्यालयसे
कम्तीमे स्नातकोत्तर उपाधि प्राप्त करल
हुईपर्ना बा ।

उच्च शिक्षामे प्राध्यापन वा प्राज्ञिक
अनुसन्धान वा स्वास्थ्य सेवाके कार्यकारी
प्रशासनके पदमे वा नेपाल सरकारके
राजपत्राक्तित प्रथम श्रेणी वा उ सरहके
पद वा उहीसे उपर पदमे कम्तीमे पाँच
वर्ष कार्यअनुभव हासिल हुई पर्ना बा ।

शैक्षिक, प्राज्ञिक उन्नयन वा
प्रशासनके क्षेत्रमे उत्कृष्ट
व्यवस्थापनसम्बन्धी सीप ओ कौशल
प्रदर्शन करल हुईपर्ना बा । दरखास्त
पेस कैना अन्तिम दिनसम ३५ वर्ष उमेर
पूरा हुके ६१ वर्ष उमेर नैनाघल हुई
पर्ना बा । दरखास्त डेना तत्कालआधे
कौनो राजनीतिक दलके सदस्य नैरहल
हुई पर्ना बा ।

खाद्यसे धान खरिदपाछे किसान खुशी



पहुरा समाचारदाता
धनगढी, १६ कार्तिक । खेट्वासे
भित्रीयाइल एक महिनापाछे कैलालीके
किसान अन्ततः आपन मेहनतके फल
बिक्री करे लागल बटै ।

बुधसे खाद्य व्यवस्था तथा व्यापार
कम्पनीसे धान खरिद सुरु करलसँगे
किसान बिक्रीके लाग टमान खरिद
केन्द्र (डिपो)मे पुगे लागल हुइल । यी
बरस कम्पनीसे कैलालीके छ ठाउँ-
धनगढीके मोहनपुर, गौरीगंगा, जोशीपुर,
भजनी, सती ओ टीकापुरमे डिपो स्थापना
कैके खरिद सुरु करले बा । पहिल
चरणमे जिल्लासे ३५ हजार क्विन्टल
धान खरिद कैना कोटा निर्धारण करल
कम्पनी जनैले बा ।

किसाननहे राहतके अनुभूति
खेट्वासे धान काटके घरमे ढारल
किसानहुके बजारमे उचित मूल्य
नैपाइलपाछे लम्मा समयसे बिक्रीमे ढिलाइ
करल रहित । गल्ला व्यापारीहुके प्रति
क्विन्टल २ हजारसे २ हजार ५ सय
रुपैयाँसम किल मूल्य प्रस्ताव करलपाछे
किसान निराश बनल रहित । “उ मूल्यमे

टे उत्पादन लागत समेत नैउठट,”
गोदावरी नगरपालिका-८ श्रीपुरके
किसान मगताराम चौधरी कहलै,
“सरकारी खरिद सुरु हुइलपाछे आव
लगानीके प्रतिफल पैना आश हुइल बा ।”
उहाँ ढिला हुइलेसे फेन खाद्य कम्पनीसे
खरिद सुरु करलपाछे राहतके अनुभव
हुइल बटैलै ।

ढिला खरिदसे समस्या

मने, ढिला खरिदसे ढेर किसानहे
समस्या परल बा । भण्डारणके लाग
ठाउँ अभाव ओ मल-बियाके उधारो
रकम टिरे पर्ना दबावके कारण कुछ
किसानहे बाध्यतावश गल्ला व्यापारीकहाँ
सस्तामे धान बेचे परल बा । “सरकारसे
समयमे खरिद सुरुकरल रलेसे घाटा
बेहोरे नैपरट,” भजनीके किसान
अइट्टराम डगौरके गुनासो रहल बा ।
“ढिला हुइलेसे फेन सुरु करलमे भर
खुशी लागल बा,” उहाँ कहलै ।

नेपाल सरकारसे चालू आर्थिक
बरसके लाग गत साउन २६ गते नै
धानके न्यूनतम समर्थन मूल्य टोकल रहे ।
उ अनुसार मोटा धानके मूल्य प्रति

क्विन्टल ३ हजार ४ सय ६३ रुपैयाँ ८१
पैसा निर्धारण करल बा । कैलालीके
मोहनपुर डिपोके प्रमुख तथा खाद्य
व्यवस्था तथा व्यापार कम्पनीके वरिष्ठ
सहायक मुकुन्दराज पनेरुके अनुसार इहे
दरमे धान खरिद हुइटी रहल बा । “एक
किसानसे अधिकतम ५० क्विन्टल धान
खरिद करजाइ,” उहाँ कहलै, “ओ रकम
वैक खातामार्फतनै भुक्तानी करजाइ ।”
पनेरु किसानहे धान मजाले सुखाके ओ
सफा कैके लम्ना अनुरोध करले बटै ।

गैल बरस कैलालीमे ५५ हजार
क्विन्टल धान खरिद कोटा निर्धारण
हुइलेसे फेन किसान पहिलेहे व्यापारीन
ठन बिक्री करसेकल ओरसे ३४ हजार
क्विन्टल किल खरिद करे सेकल रहे ।
मने यी बरस व्यापारीहुके कम मूल्य
प्रस्ताव करलपाछे किसानहुके धान घरमे
भण्डारण कैके खाद्य कम्पनीके खरिद
सुरु हुइना प्रतीक्षा करल रहित । हाल
सक्कु खरिद केन्द्रमे किसानहुके भीड
बहटी गैल बा । ढेर किसान सक्करहीसे
ट्याक्टर ओ ठेलामे बोकेके धान लेके
डिपोमे लाइन लगटी रहल बटै ।

किसानहुके आगामी बरसमे
ढिला नैकैके समयमे खरिद प्रक्रिया सुरु
कैना सरकार ओ सम्बन्धित
निकायहे आग्रह करले बटै । “यदि
समयमे खरिद सुरु हुइ कलेसे किसानके
भरोसा बढी ओ घाटा बेहोरे पर्ना
स्थिति नैआइ,” गोदावरीके किसान
बिष्णुमाया चौधरी कहली । धानके
मुख्य सिजनमे बजारमे अस्थिर मूल्य,
ढिला खरिद ओ भण्डारणके समस्या
भेलेटी आइल किसान अब्बे सरकारी
खरिद सुरु हुइलपाछे कुछ हदसम
आशावादी बनल बटै ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५

स्माईल चौधरीसे प्रकाशित

सठपाढक : प्रेम चौधरी (९८४८४२२९०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुडा सठपाढक : कृष्णराज सर्वहारी

कागूनी सल्लाहकार : अधिवक्ता जोहारीलाल चौधरी

व्यवस्थापक सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

हसुलिया शाखा: नरेन्द्र चौधरी (९८४८५४३०३६)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, बेहडी, धनगढी

लागु औषधसहित तीन जाने पक्राउ

पहुरा समाचारदाता
धनगढी, १६ कार्तिक । कैलाली ओ कञ्चनपुरसे लागु औषधसहित तीन जाने पक्राउ परल बटे ।

कैलालीके टिकापुर न.पा.९ खकौला भन्सार चेकपोष्ट स्थित बा ७५ प८९२९ नम्बरके मोटरसाइकलहे शंका लागके चेकजाँच करेबेर मोटरसाइकलके हेड लाइटके कवर भितर लुकाई छिपाई धारल अवस्थामे ४ ग्राम ९७० मिलिग्राम लागुऔषध खैरो हेरोइनसहित दुई जाने पक्राउ परल बटे ।

मोटरसाइकल सहित मोटरसाइकल चालक कैलालीके जानकी गा.पा.९ अमरावती बैठना बर्ष २२ के टेकबहादुर साउँद ओ मोटरसाइकल पाछे सवार

उहे ठाउँ बैठना बर्ष २५ के रमेश टमाटासहित दुनु जनहनहे प्रहरी चौकी कालाकुण्डा, कैलालीसे खटल प्रहरी टोली नियन्त्रणमे लेके थप अनुसन्धान हुइटी रहल बा ।

ओस्टेक करके कञ्चनपुरके भीमदत्त न.पा.९ फ़िलमिलासे जिल्ला कैलाली, गौरीगंगा न.पा.१ चौमाला बैठना बर्ष ३६ के लक्ष्मीदेवी बिष्टहे शंका लागके चेकजाँच करेबेर हुकानठेनसे २२० मिलिग्राम लागुऔषध खैरो हेरोइन जस्टे विल्लगना पदार्थ फेला पारके उ पदार्थसहित निजहे इलाका प्रहरी कार्यालय ब्रहमदेव, कञ्चनपुरसे खटल प्रहरी टोलीसे नियन्त्रणमे लेके थप अनुसन्धान हुइटी रहल प्रहरी जनैले बा ।

संधियारको नाममा जारी १५ दिने सूचना

यस उपमहानगरपालिकाको वडा नम्बर ७ कित्ता नं. ४२९ क्षेत्रफल २१२ वर्गमिटरमा भवन निर्माण गर्ने घरधनी श्री धने भूल्ले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: सिपल्लु राना पश्चिम: सडक

उत्तर: पृथ्वी राना थारु, किसान राना थारु दक्षिण: पावर्तकुमारी खाती खत्री

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ८ कान्तिपुरटोल कित्ता नं. ६६४ क्षेत्रफल १६९.३२ वर्गमिटरमा भवन निर्माण गर्ने घरधनी श्री जानकी जोशीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: सडक पश्चिम: कन्हैया राना

उत्तर: राजेन्द्र महर दक्षिण: भलकराज जैशी

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

डिवश ड्राईभिङ सेन्टर

दक्ष चालक बन्ना सक्नु सैद्धान्तिक तथा व्यवहारिक ज्ञान देना प्रयास हमार, सफलता अपनैके ।

सीप सिक्की, स्वरोजगार बनी विद्यार्थी ओ ग्रुपमे अउईयाहुक्रनहे विशेष छुटसहित...

हमार यहाँ दक्ष प्रशिक्षकहरुनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथै फोटोग्राफीके सुविधा समेत उपलब्ध बा ।

नोट: साथै दुरसे अउईया विद्यार्थीनके लाग बैठ्ना व्यवस्था समेत उपलब्ध बा । समयमे सक्नु सिकाह विद्यार्थीहुक्रनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६८५

पाठकवर्गसे अनुरोध

पिथ पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनैनके फे लिख्के पठाइ सेकि । अपनके विचार लम्मा हुइ परठ कना नइ हो । आइ कलम पक्ति, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

लोकतान्त्रिक संस्कारके मार्ग

अन्योल ओ अनिश्चितताके बिच इतिहासके एक घोर भयानकताके करिब डेढ दर्जन दिन हम्रे बितासेकले बटि । यिहे बिचमे हम्रे भारी सांस्कृतिक ओ सामाजिक पर्व फेन मनैलि । उमंग बोकके आइल चाडपर्वसे नेपाल ओ नेपालीहे भावनात्मक एकता ओ आगामी निकासके डगर पहिल्यइना प्रेरणा पक्के छोरके गैल बा । समाज, संस्कार ओ सामाजिक संरचनासे हम्रे अइसिन विश्वासके आभास कराइठ ।

गैल भदौ २३ ओ २४ गते देशमे का हुइल ? आघेक दिनके उ ‘नरसंहार’ ओ पाछेक दिनके उ विध्वंस । यी दुई दिन इतिहासके पानासे कवस नैमेटि । यी एक विशुद्ध नवपुस्तासे करल गैरराजनीतिक विद्रोह रहे । विद्रोहके स्वीकारोक्ति ओ ओकर भावनाहे आत्मसात् करना लोकतान्त्रिक राज्यके चरित्र हो । लोकतन्त्रके जगमे रहल नेपालके राजनीतिसे देशमे हुइल अइसिन हरेक विद्रोह ओ आन्दोलनहे आत्मसात् करटि आइल बा । एकाध असन्तुष्टि ओ असहमति लोकतन्त्रके आधारभूत मान्यता हो । उहिनहे फेन स्वाभाविक माने परठ । नवपुस्ता अर्थात् जेनरेसन जेड (जेनजी) से करल उ विद्रोह राजनीतिके घेरासे एकडम डुर रहे । व्यवस्थाप्रतिके असन्तुष्टिसे फेन एक एक अनुहारसे शासित नवपुस्ताके उ एक विद्रोह रहे । सुशासन ओ आत्मसम्मानके लाग नवपुस्तासे करल उ विद्रोहहे कोइ ओ कैसिक बिचसे ‘हाइज्याक’ करल ढिरेसे छरपस्ट हुइटि बा । तथापि चुनाव घोषणा होसेकल बा । देशमे अन्तरिम सरकार बा । अनि देश कुछ समय राजनीतिक रिक्तता टे भेलेपरना बा ।

२००७ सालआघे ओ ओकरपाछेक समयमे नेपाल कैचो अइसिन आन्दोलनके सामना करटि आइल बा । सत्ताके पलटभ्रपट ओ राजनीतिक महत्वाकांक्षाके अभीष्टका कारण देशमे कैचो आन्दोलन हुइल बा । विद्रोह हुइल बा । यहाँसम कि देश कैचो ‘सशस्त्र विद्रोह’ समेत भोगटी आइल बा । राजनीतिक परिस्थितिसे कुछ अवस्थामे ‘निर्दलीय’ सरकारसे प्रशासित हुइ परल बा । पञ्चायतमे टे ३० वर्षसम राजनीतिक दलउपपर बन्देज लगागिल । तत्कालीन राजा ज्ञानेन्द्रसे फेन ओकर जमकाँ हुइल हो । राजनीतिक चेतनासे माफ़ल नेपाली उहिनहे टमान दिन सहे नैसेकल ओ फेन २०६२/६३ मे जनआन्दोलन हुइल । नागरिक विद्रोह कत्रा शक्तिशाली हुइठ कना इतिहास फेन उ बेला एक चो दोहोरल । २००७ सालके नागरिक विद्रोहसे १०४ वर्षसम राज करल जहानियाँ राणा शासन अन्त्य कैडेहल । २०६२/६३ के औरै ओस्टे विद्रोहसे २४० वर्षके राजतन्त्र उखेलडेहल । नेपालके इतिहासमे पहिलचो एक वंशीय राजनीतिक परम्पराके अन्त्य हुइल रहे । पहिलचो देशसे राष्ट्रप्रमुखके रूपमे (अन्तरिम सरकारके बेला गिरिजाप्रसाद कोइराला ओ पाछे राष्ट्रपतिमे निर्वाचित

डा. रामवरण यादव) सर्वसाधारण नागरिकके तहसे पागिल । लोकतन्त्रके यी भाव अत्रासम उदार रहल कि उ राष्ट्रप्रमुखके हैसियतमे नेपालसे महिला (विद्यादेवी भण्डारी) हे समेत पासेकल बा । जब कि विश्वके कैयौँ शक्तिशाली ओ आधुनिक कहल देशमे समेत अभिनसम कैयौँ राजनीतिक अधिकारसे महिला पाछे पारल बटै या टे वञ्चित करल बा । उ जनविद्रोहके उपलब्धि स्वरूप स्थापित संविधान सभासे पहिलचो नेपाली नागरिक प्रत्यक्ष सहभागी होके २०७२ सालके संविधान लेखल । यी एक लोकतान्त्रिक, संवैधानिक सर्वोच्चता ओ

भिन्नेभिन्ने भुसके आगी जस्टे हुइल नागरिक असन्तुष्टि सडकमे विस्फोट हुइल । उहिनहे अब्बे प्रविधि (सामाजिक सञ्जाल) से अइसिके आगीहस फैललल एकघन्चिमे हमार ७६ किलिा ज्यान किल नैगिल, देशके महत्वपूर्ण धरोहर संसद् भवन, सर्वोच्च अदालत ओ सिंहदरबार क्षणभरमे खरानी हुइल । दुई तिहाइके सत्ता फेन ढलल । राष्ट्रपति संस्थाउपपर फेन आक्रमण हुइल । इतिहासके साक्षी बनल पार्टीके नेताउपपर आक्रमण हुइल । यी कैसिक ओ काहे हुइल ? ओकर अदृश्य पाटो खुल्बे करि । हम्रे समयके गतिहे चिन्है नैसेकल हो । इन्टरनेटके

इतिहाससे बटैटिआइल तथ्य हो, हरेक परिवर्तनपाछे स्वीकार्य नेता स्थापित हुइल ओ उ नयाँ मार्ग निर्देश करठ । अब्बेक यी संक्रमणके अन्योल भर ओस्टे सर्वस्वीकार्य नेता ओ नेतृत्व नैहुइना हो । ओकर पहल कांग्रेससे करे सेकि । कांग्रेस मध्यमार्गी चरित्रके लोकतान्त्रिक पार्टी हुइल फेन हो । यिहिनसे सबके सहअस्तित्व स्वीकार करटि देशहे निकास डेना मध्यस्थता फेन करे सेकि । राष्ट्रिय संकटके बेला पहिचान स्थापित करना कांग्रेसके धर्म फेन हो । उहिनहे जोगैना पार्टीसे अपनभित्तरके नेतृत्व संकट निवारण करे । कांग्रेससे नवपुस्ताके भावना ओ राष्ट्रिय संकट समाधानके लाग सर्वस्वीकार्य ‘अभिभावक’ छाने । ओकर लाग पार्टीके नियमित महाधिवेशन उपयुक्त ठाउँ हो, उहिनसे पार्टीहे नयाँ दिशा डेहल बा । दूरदष्टा नेतृत्व फेन स्थापित करल बा । नयाँ नीतिसहितके नेतृत्व चयन कैके निर्वाचनमे जाइ सेकि कलेसे उहिनसे सकारात्मक परिणाम डिई । जेनजी आन्दोलनसे युवाके चाहना अभिव्यक्त करल बा । उ चाहनाहे आदर्श मानके दुर्गमके गाउँ, गरिब, विपन्न, किसान मजदुरके हितके कार्यक्रमसहितके यात्रा आजके आवश्यकता हो । जनाधार नैहोके, भावनामे बहना ओ सुटबुट लगाइलहे उत्कृष्ट मन्ना संस्कृतिहे आव पूर्णत बिदा करे परठ । ठालु संस्कृतिके कारण आज अइसिन परिस्थिति उत्पन्न हुइल ज्ञात सबहे हुइल हुइल । समस्या खडा करना नैहो, समस्या बुझके समाधान खोजे सेक्ना सामर्थ्य रहल कांग्रेस नेतृत्व नागरिक चाहल बा ।

नागरिक (सार्वभौम) सर्वोच्चताके एक मानक रहे ।

‘रातारात’ चमत्कार कैढेना राजनीतिक दलके चर्काँ ओ कल्पनाशील भाषण ओ वाचासे आशातीत नागरिक मन निराश हुइल । हरेक क्रान्ति ओ परिवर्तनसे नागरिक ढेर आशा ओ विश्वास करले रहठ । उहिनहे सम्हारे सेक्ना व्यक्ति खासमे असल नेतृत्व हो । अर्थात् उहिनहे राजनेता कहिजाइठ । २००७ सालकेसे परिवर्तन हेरलेसे हरेक संक्रमणके बेला अइसिन नैराश्यता ओ असन्तुष्टिके कैयौँ पहाड हम्रे देखे सेकि । उ कबूकाल सडकमे पोछजाइठ कलेसे अचेल सामाजिक सञ्जालमे लेखजाइठ । भदौ २३ के जेनजी आन्दोलन ओक्रहे एक अध्याय हो । लम्मा समयसे

जमानामे जन्मल यी नवपुस्ताके भावनाउपपर नेतृत्वसे खेलबाड हुइल हो । यी निर्मम सत्यहे स्वीकारे परि । का हुइल, काहे हुइल ओ कैसिक हुइल ओ के ओइसिन करल ? यी प्रश्नके उत्तर ढिरेसे अइबे करी । उहिनहे इतिहास पक्के फेन समीक्षा करि । उहिनहे अब्बे जोन संक्रमणसे राष्ट्र गुञ्जल बा, उहिनहे कैसिक निकास डेना कनाओर आव हम्रे सब केन्द्रित हुइ परि । जा नैहुइना रहे हुइल मने नवनिर्माणके एक स्वीकारोक्ति कलेक जा हुइल, आव मजाके लाग हुइल कना हो । काहेकि हरेक राष्ट्रिय संकटसँगे समाधान फेन हुइठ । हम्रे जब फेन समाधानके डगर बन्द कैके समस्या किल खडा करटिरहल, नेतृत्वके यिहे कमजोरीके मार देश

विचार विपुल पोखेल

खेपेपरल बा । अब्बेक सब संकट समाधानके एक ठो किल लोकतान्त्रिक ओ उत्तम डगर वा निकास कलेक फागुन २१ के चुनाव हो । उ डगर बन्द कैके हम्रे पुरान गोरेटो जाब ओ और नैजन्ना तरिकासे नयाँ ‘ट्र्याक’ हेरे लागब कलेसे देश और बर्बादीके डगरओर जाइ ।

अब्बेक आवश्यकता कलेक एक दुरदर्शी एवं दूरदृष्टियुक्त नेतृत्वके हो । ओकर भारी नेपाली कांग्रेस बोके सेकि । बोके फेन परि । पार्टीमे उ मेरिक नेतृत्व चाहठ । कांग्रेस अपनमे ऐतिहासिक ओ लोकतान्त्रिक पार्टी हो । कांग्रेसके जन्म नागरिकहे अधिकार दिलाैना विद्रोहके लाग हुइल हो । विद्रोहके जगमे कांग्रेस नागरिकके भरोसायोग्य पार्टी बनल हो । ओस्टेक कांग्रेसहे ‘मास वेस पार्टी’ कहल हो । इतिहासके संकटपूर्ण घडी ओ परिवर्तनके हरेक मोडमे कांग्रेससे निर्णायक भूमिका निभैटि आइल बा । राष्ट्रके एक जिम्मेवार पार्टी हुइल नातासे आवके संकट समाधानके लाग कांग्रेस फेन एक चो आघे बहे परठ ।

यीबेला कांग्रेसमे सर्वस्वीकार्य नेताके आवश्यकता बा । केन्द्रीय समिति बैठक चलल यी सन्दर्भमे पार्टीसे ओकर बारेमे पक्के उपयुक्त निर्णय लेहे परल बा । काहेकि हरेक विद्रोह वा क्रान्तिपाछे एक सर्वस्वीकार्य नेतृत्व जन्मल रहठ । २००७ के क्रान्तिपाछे बिपी कोइराला स्वीकार्य नेताके रूपमे स्थापित हुइल । ०४६ सालके जनआन्दोलनसे गणेशमान सिंहहे सर्वस्वीकार्य नेता बनाइल । २०६२/६३ के जनआन्दोलनसे गिरिजाप्रसाद कोइराला सर्वप्रिय नेता बनलै । सशस्त्र संघर्षसे पुष्पकमल दाहाल ‘प्रचण्ड’ हे नेता बनाइल । ओकरपाछे हुइल मधेश आन्दोलनसे उपेन्द्र यादवके स्वीकारोक्ति बहल । संविधान सभा निर्वाचनपाछे २०७२ के संविधान जारी हुइबेर सुशील कोइराला सर्वस्वीकार्य नेतृत्वके रूपमे स्थापित हुइलै ।

इतिहाससे बटैटिआइल तथ्य हो, हरेक परिवर्तनपाछे स्वीकार्य नेता स्थापित हुइल ओ उ नयाँ मार्ग निर्देश करठ । अब्बेक यी संक्रमणके अन्योल भर ओस्टे सर्वस्वीकार्य नेता ओ नेतृत्व नैहुइना हो । ओकर पहल कांग्रेससे करे सेकि । कांग्रेस मध्यमार्गी चरित्रके लोकतान्त्रिक पार्टी हुइल फेन हो । यिहिनसे सबके सहअस्तित्व स्वीकार करटि देशहे निकास डेना मध्यस्थता फेन करे सेकि । राष्ट्रिय संकटके बेला पहिचान स्थापित करना कांग्रेसके धर्म फेन हो । उहिनहे जोगैना पार्टीसे अपनभित्तरके नेतृत्व संकट निवारण करे । कांग्रेससे नवपुस्ताके भावना ओ राष्ट्रिय संकट समाधानके लाग सर्वस्वीकार्य ‘अभिभावक’ छाने । ओकर लाग पार्टीके नियमित महाधिवेशन उपयुक्त ठाउँ हो, उहिनसे पार्टीहे नयाँ दिशा डेहल बा । (बर्की ३ पेजमे)

जरूरी टेलिफोनके प्रायोजक:

हमार यहाँ बौडलर मूर्तिनके मास सुपथ मोलमे मिलठ । सेवा कना मौका अवश्य देहवी ।

नोट : भोजविहा, व्रतबन्धके लाग होम डेलिभरीके सुविधा बा ।

प्रो.रमेश चौधरी केभी मासु पसल

बैयाबेहडी चौक, धनगढी कैलाली शाद उर्मावि लगगे मो. ९८११६३५६८०

एक्जुलेन्स नम्बर ९८२७६८९६१७, ९८५८४३७०१८, ९८१४६०८०५६७, ९८१४६८०००६८, ९८१४६६६०२८५

प्रहरी अञ्चल प्रहरी कार्यालय ०९१- ५२१३०१ जिल्ला प्रहरी कार्यालय ०९१-५२११५०,१०० वडा प्रहरी कार्यालय ०९१-५२१२९१,११०

ईपुका अत्तरिया ०९१-५४०१२२ त्रिनागर प्रहरी चौकी ०९१-५२११८३ जिल्ला प्रहरी कार्यालय ०९१-५२११५३ ईपुका मसुरिया ०९१-४०२०१४ ईपुका चौमाला ०९१-६९२५७१ ईपुका लम्की ०९१-५४०११९ ईपुका भजनी ०९१-५८०१९९ ईपुका सुखुखड ०९१-५२९१६५ ईपुका मालाखेती ०९१-५४०१२२ ईपुका फल्ठरे ०९१-६९०३३० ईपुका हसुलिया ०९१-५२९१४५ ईपुका पाण्डौन ९७४९०१४९०५ सिमा प्रहरी चौकी वहुलिया ०९१-५२१२०६ ईपुका टीकापुर०९१-५६०१९९ स.प्र.वल सिमासुरक्षा धनगढी ५२६९२८ बैक

नेपाल राष्ट्र बैक ०९१-२१३२२ नवजिवन बैक ०९१-५२३६५३ कृषि विकास बैक ०९१-५२९२३५ मालिका विकास बैक०९१-५२३७३८ बैक अफ काठमाण्डौ ०९१-५२३३८६ बैक अफ एसिया ०९१-५२५६५०

नेपाल बलादेश बैक ०९१-५२१७८५ सिटिजन बैक ०९१-५२७४८५ कुमारी बैक ०९१-५२६०३८ सनराईज बैक ०९१-५२४८५० नेपाल इन्वेसमेन्ट बैक०९१-५२३७०६ एनएमबी बैक लि.०९१-५२१२९६ सरकारी कार्यालय जिल्ला प्रशासन .०९१-५२११०१ जिल्ला विकास .०९१-५३२५६० नगरपालीका .०९१-५२१४२९ मालपोत.०९१-५२१२०१, नापी शाखा.०९१-५६०४०२ कृषि विकास .०९१-५२२३५५, भूमि सुधार.०९१-५२१२२४ जिल्ला हुनाक.०९१-५२१५२७, नेपाल बाल संगठन: ५३३६६५

अस्पताल सेती अञ्चल.०९१-५२१३७१ नवजिवन ०९१- ५२१३३३/५२१७३३ विजय मेडिकल हल धनगढी ०९१-५२३४३५ पद्मा धनगढी ०९१-५२७३५३ सेना नर्सिङ होम अत्तरिया ०९१-५५७७१७ एम्बुलेन्स मसुरिया ९७४९०१८०८१ घोडाघोडी अस्पताल सुखड०९१-६९४७०७ टीकापुर अस्पताल ०९१-५६०१५०

दमकल १०१ नेपाल रेडक्रस सोसाईटी ०९१-५२१३३३ कैलाली उ.बा.संघ ५२१३३७, ५२३९७१ एम्बुलेन्स : ५२१६०० सामुदायिक एम्बुलेन्स सेवा टीकापुर ९८४८५४७५० विघुत : ५२११४५ दिनेश मेडल ०९१-५२१३९२ होटल त्रिजोटी ०९१-५३३१८८/५३१३११ जगदम्बा०९१-५२३५१०, बिआ०९१-५२३७३३ तरुण ०९१-५२६६९३, सनलाईट०९१-५२१५३६ वर्ल्ड लिंक धनगढी :५२०१५१ नाल्पाजोला०९१-५२२८२०/५२७११० नेपाल पत्रकार महासंघ :५२७१२२ शैक्षिक संस्था कैलाली बहुमुखी क्याम्पस ०९१-५२१२२३ सुदूरपश्चिमाञ्चल क्याम्पस ०९१-५२३१९२ ऐश्वर्य बहुमुखी क्याम्पस ०९१-५२१०७९ राजनैतिक पार्टी नेपाली कांग्रेस कार्यालय : ५२७११४ नेकपा (एमाले) कार्यालय : ५२१०१० बसपार्क काउन्टर धनगढी : ०९१-५२१२५२ एफ.एम दिनेश एफ एम १३.८ मेगाहर्ज धनगढी: ०९१-५२६०७१

शक्ति संघर्ष ओ सन्तुलन मिलैटी जनप्रतिनिधि महिला

रतनलाल चौधरी
टीकापुर, १६ कार्तिक । संघीयतासे स्थानीय तहमे अधिकार सम्पन्न कार्यपालिका, सभा ओ न्यायिक समितिके व्यवस्था करले बा । उ संरचनामे ३३ प्रतिशत महिलाके प्रतिनिधित्व सुनिश्चित करले बा । महिलाहुके अपन उपस्थिति हुइल ठाउँमे आवाज टे उठैही मने पुरुषप्रधान सोच हुइल नेतृत्वसे वेवास्ता कैना, ओभेल पनां ओ जिम्मेवारीविहीन बनैना काम करल देखल बा ।

‘महिलाहुकनके लाग बजेट मग्ना, आयआर्जन सीप तालिम जस्टे सिलाई कटाई, खाजा पसल सञ्चालन, गार्मेन्ट, हेयर कटिङ, ब्यूटीपीलर लगायतके क्षेत्रमे बजेट विनियोजन करके कार्यान्वयन समेत कैना सफल हुइल बटु’ टीकापुर नगरपालिका नगरकार्यपालिका सदस्य रुपमती डंगौराथारु कहै, ‘लोकसेवा आयोग, कम्प्युटर कक्ष, महिला सशक्तिकरण, नेतृत्व विकास, महिलाहुकनहे उद्यममे लगैना पैरवी करटी रहल बटु ।’

लैङ्गिक समानता, अपांगता तथा सामाजिक समावेशीकरण नीति निर्माणमे सकृ महिला कार्यपालिका सदस्यहुके एकजुट हुके आवाज उठाइल ओ कार्यान्वयनहे हुइल बाटमे स्मरण करटी महिलाहुकनके लाग ५० लाख रकमसम सीपमूलक जैसिन कार्यक्रममे बजेट छुट्याइना सफल हुइल रुपमतीके कहाई बा । कार्यपालिका सदस्य लवरी चौधरी ब्युटिसियन, कम्प्युटर शिक्षा, उद्यमी महिलाके लाग स्वरोजगार जैसिन कार्यक्रमसे महिलाके लाग सहयोग पुगल बटैठी । दुसर सदस्य मञ्जु विक पालिकासे कैना कम प्राथमिकता खर्च घटाके बालविवाह करके पढाइ छोरल

महिलाहे निःशुल्क शिक्षा, नैपहुइयाहे सीपमूलक तालिम डेहे चाहलेसेफे कार्यपालिकासे अपन बाट नैसुनल बटैठी ।

पुरुष जनप्रतिनिधिके ध्यायौ
समावेशी कोटामे कार्यपालिका पुगल महिला बेलाबेलामे महिलाके सवाल केन्द्रित एजेण्डा उठैते मने सोचल जैसिन निर्णयमे पुगे सेकल नैहुइत । कतिपय अवस्थामे बिचमे मिच्छाके अपन एजेण्डा छोरना करल बटै कलेसे कतिपय अवस्था सदस्य महिला ढेर बोलन कहिके जिम्मेवारीसे हटैनासमके क्रियाकलाप हुइल बटै । महिलाहुके साभ्ना एजेण्डा बनाई नैसेकै, पुरुष जनप्रतिनिधिहुकनके भरपरे परठ पुरुषके प्राथमिकता और हुइल ओरसे चाहल अनुसारके बजेट छुट्याई नैसेकै, रुपमती कहै, ‘हरेक बाट निर्णयमे पुगैना नम्मा भ्रष्टाचर प्रक्रिया हुइना ओरसे नतिजा नैआइठ, आर्थिक सहयोग मग्न अउइयाहे प्रक्रिया पूरा करके दिदासम मने सुकै ।’

दुसर कार्यपालिका सदस्य लवरी चौधरीफे अपने एक्के विषय बारम्बार उठान करेबरेफे पूरा नैहुइल कारणसे हिनताबोध हुइल बटैठै । ‘सदस्य महिलाहुकनके बिचारमेफे एकरूपता नैहुके निर्णय करैना समस्या बा,’ लवरी कहै ‘कार्यपालिका सदस्यहुके एक ठाउँमे आई नैसेकल करणासे मंगलदीप स्मृति प्रतिष्ठानके ओ मुक्तकमैया कमलरीहुकनके लक्षित वर्गके बजेट फ्रिज हुइल बा ।’

नगर शिक्षकके पारिश्रमिक बहाईपर्ना बाट बारम्बार उठाईबेर शिक्षा समितिसे बाहिरे परल मञ्जु विक बटैठै । ओस्टेक बजेटके सीमा ओ स्रोत अनुमान समितिके बैठकमे सदस्य महिलाहे बाहेर पठाके निर्णय करल ओ कार्यपालिका बैठकमे छलफल नैहुइल विषय

कार्यपालिकाके निर्णय कहिके वेभसाइटमे सार्वजनिक हुइना करल विक बटैठै । स्वार्थ प्रेरित प्रस्तावके विरोध जैनैना करल बटुइया मञ्जु केको दयासे बैठल जैसिन हुइनासे कौनो समितिमे नैरहिकेफे दलित महिलाके सवाल उठान करटी रहल बटैठी ।

टीकापुर नगरकार्यपालिकाके बैठक बैठना पूर्व एजेण्डाहुके एसएमएस मार्फत जानकारी पाईपर्नाफे ओसिन हुई नैसेकल, कार्यपालिकामे हुइल निर्णय २/३ चो मनपरी परिवर्तन कैना ओ ठप्पा करेकबेर पालिकामे २/३ चो तालाबन्दी हुसेकल लवरी चौधरीके कहाई बा ।

उपप्रमुख नैहुके समस्या
सरकार सञ्चालन ऐनसे उहाँ उपप्रमुख नैहुइल कारण महिलाहुकनके माग सम्बोधन नैहुइल, महिला जनप्रतिनिधिहुकनहे नीति निर्माण कार्यमे समस्या हुइटी रहल, विषयगत शाखा महिला संयोजक हुईपर्ना बाट ढेरपाछे पत्ता पाइल, अन्य पालिकाहुकन सँगके सेयरिड मिटिङसे अपनहे जानकारी हुइल सुनैली ।

टीकापुर नगरपालिका उपप्रमुखविहीन हुके उपप्रमुखसे नेतृत्व कैना न्यायिक समितिके काम प्रभावकारी हुई सेकल नैहो । उपभोक्ता अधिकारके रक्षाके लाग बजार अनुगमन हुई सेकल हो । अपाङ्गता सम्बन्ध समितिके काम हुई सेकल हो । योजना तर्जुमा समिति निष्क्रिय हो । उपप्रमुखसे नेतृत्व कैना समितिसे महिलाहे सेवा डेना वा महिलाके लाग काम कैना हुइल ओरसे उपप्रमुख नैहुके समस्या हुइटी रहल रुपमतीके कहाई बा । ऐनसे प्रमुख ओ उपप्रमुखके काम बाँटल मने उपप्रमुख नैहुके प्रमुखके एकाधिकार हुइल ओ कार्यपालिका

शक्तिके असन्तुलन हुइल महसुस मञ्जुहे बा । यी पालिकाभितरे सुशासन नैहुइल, कर्मचारी ओ जनप्रतिनिधिहुके बीच समन्वयके अभाव हुइटी बा ।

‘उपप्रमुख महिला हुके महिलाके सरोकार ओ समस्या उठान हुइना सभा, कार्यपालिका ओ न्यायिक समितिमे काम कैना सहजुल हुइठ,’ टीकापुर नगरपालिकाके पूर्व उपप्रमुख केशरी रावल विष्ट कहै, ‘कुछ दिन पुरुष हुइलेसे उपप्रमुख बटै, अब्बे रिक्त हुइल समस्या हुइल सदस्य महिलाहुकनहे महीहेफे गुनासो करै ।’

महिला तथा सिमान्तकृत समुदायहे आइल प्रतिनिधिहुकनहे क्षमता विकासके लाग नगरपालिकासे तालिम, अध्ययन, भ्रमणके व्यवस्था नैकरलेसे टीकापुर नगरपालिकामे काम करटी रहल संस्था दलित महिला अधिकार केन्द्रसे सक्षम बनैना भारी योगदान करल कार्यपालिका सदस्य बटैलै । महिलाहुकनहे जानल ओ मागल बाटमे कार्यपालिकाके प्रमुख ओ वडाध्यक्षहुके सकारात्मक हुइलेसे महिलाके पक्षमे मजा काम करे सेक्ना महिला जनप्रतिनिधिके कहाई बा । स्थानीय कार्यपालिकामे पक्ष प्रतिपक्ष नैहुइलेसेफे अनुकूल हुइलेसे सन्तुलन ओ प्रतिकूल हुइलसे सद्दर्प करटी सदस्य महिलाहुके काम करटी रहल बटै ।

कतिपय महिला सदस्यहुके जिम्मेवारी पाकेफे हिचकिचैटी रहल बटै । नेतृत्वमे आसेकलपाछे महिला पुरुष नैकहिके कानुनक डेहल अधिकार प्रयोग करेपर्ना ओ सक्षमता डेखाईपर्ना टीकापुर नगरपालिका-८ के वडाध्यक्ष दीर्घबहादुर ठकुल्ला बटैठै ।

लोकतान्त्रिक...

दूरदष्टा नेतृत्व फेन स्थापित करल बा । नयाँ नीतिसहितके नेतृत्व चयन कैके निर्वाचनमे जाइ सकि कलेसे उहिनसे सकारात्मक परिणाम डिई ।

जेनजी आन्दोलनसे युवाके चाहना अभिव्यक्त करल बा । उ चाहनाहे आदर्श मानके दुर्गमके गाउँ, गरिब, विपन्न, किसान मजदुरके हितके कार्यक्रमसहितके यात्रा आजके आवश्यकता हो । जनाधार नैहोके, भावनामे बहना ओ सुटबुट लगाइलहे उत्कृष्ट मन्ना संस्कृतिहे आब पूर्णत बिदा करे परठ । ठालु संस्कृतिके कारण आज अइसिन परिस्थिति उत्पन्न हुइल जात सबहे हुइल हुइल । समस्या खडा करना नैहो, समस्या बुझके समाधान खोजे सेक्ना सामर्थ्य रहल कांग्रेस नेतृत्व नागरिक चाहल बा । कांग्रेसके मूल चरित्रके रूपमे रहल विद्रोही चेतसहितके मध्यमार्गी धारहे बुझना ओ बोके सेक्ना क्षमतासहितके नेतृत्व समयके माग हो । आशा करि, कांग्रेस विधानके सम्मान करटि महाधिवेशनमार्फत योग्य ओ सक्षम नेतृत्व स्थापित करि ।

साभार: गोरखापत्र दैनिकसे

अन्तर्राष्ट्रिय

मेक्सिकोके सुपरमार्केटमे विस्फोटमे २३ के निधन



काठमाडौं, १६ कार्तिक १६ गते । मेक्सिकोके उत्तरी भागमे रहल एक सुपरमार्केटमे हुइल भीषण विस्फोटमे कम्तीमे २३ जहनके ज्यान गैल बा कलेसे ११ जाने घाइल हुइल बटै ।

स्थानीय अधिकारीहुकनके अनुसार विस्फोटके कारण सम्भवतः त्रुटिपूर्ण विद्युतीय ट्रान्सफर्मर रहल प्राथमिक नुसन्धानसे देखाइल बा ।

सोनोरा राज्यके गभर्नर अल्फोन्सो दुराजो भिडियो सन्देशमार्फत कलै, “दुःखके बाट, टमान पीडित नाबालिग बटै, घाइलहे हर्मोसिलो सहरके अस्पतालमे उपचारके लाग लैगल बा ।”

गभर्नर दुराजो घटनाके वास्तविक कारण पत्ता लगैना तथा जिम्मेवार व्यक्तिहुकनके पहिचानके लाग विस्तृत ओ पारदर्शी अनुसन्धानके आदेश डेले बटै । अभियोजक कार्यालयसे जारी करल वक्तव्यमे कहल बा, “घटना आकस्मिक हुइल प्रारम्भिक धारणा बा ओ अनुसन्धान पसलभिन्ने रहल

ट्रान्सफर्मरउप्पर केन्द्रित करल बा ।” विस्फोट सहरके केन्द्रमे रहल ‘वाल्डो’ सुपरमार्केटमे शनिच्चरके रोज दिनके करिब २ बजेओर (२०.०० जिएमटी) हुइल रहे । स्थानीय सञ्चारमाध्यमके अनुसार विस्फोटपाछे पसलभिन्ने रहल कुछ ग्राहक भागे नैपाके आगीक लष्कामे फसलल रहै । सार्वजनिक हुइल तस्बिरमे भवनके आगेक भाग करिया डेखाइल ओ भ्रूयाल फुटल रहे ।

स्थानीय अधिकारीहुके नागरिकहे विस्फोट क्षेत्रसे दुर रहन आग्रह करले बटै । उ अवसरमे आयोजना हुइ लागल मृतकके दिन (डे अफ द डेड) सम्बन्धी उत्सव फेन स्थगित करल बा ।

अखबार एल युनिभर्सलके अनुसार लगेक व्यवसायसे आगी फैले नैडेना अपन ढोका बन्द करल रहे । अनुसन्धानकर्ता भवनमे प्रवेश अनुमति पाइलपाछे घटनाके ठ्याक्के कारण पत्ता लग्ना अपेक्षा करल बा ।

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौ र लगाऔ ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रुपमा कायम गरौ/गराऔ ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔ, लैगिक हिंसाको अत्य गरौ ।
- बालश्रम कानूनी रुपमा दण्डनिय अपराध हो । बालश्रम नगरौ/नगराऔ ।
- श्रम अडिट प्रत्येक वर्षको पौष मसान्तभित्र अनिवार्य रुपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौ व्यवसायजन्य रोग लाग्नबाट बचौ ।
- श्रम ऐन, २०६४ र नियमावली, २०७५ को पूर्णरुपमा कार्यान्वयन गरौ ।
- वैदेशिक रोजगारीमा जाँदा अनिवार्यरुपमा श्रम स्वीकृति गरेर जाऔ ।



श्रम तथा रोजगार कार्यालय

धनगढी, कैलाली

बेमौसमी वर्षासे सुनसरीमे दुई अर्ब ढेरके कृषिउपज नष्ट



सुनसरी, १६ कार्तिक । यिहे कात्तिक १३ ओ १४ गते आइल बेमौसमी वर्षासे सुनसरीके किसानके पाके लागल धान तथा तरकारीबाली क्षति पुगल बा । जिल्लामे लगाइल धान, तरकारीबालीमे क्षति पुके करिब रु. दुई अर्ब बराबरके नोक्सान हुइल जिल्लास्थित कृषि ज्ञान केन्द्र जनैले बा ।

केन्द्रके प्रमुख नीलकमल सिंह जिल्लामे ४८ हजार ९०० हेक्टर क्षेत्रफलमे धानखेती हुइना करलमे वर्षासे करिब १४ हजार ४०० हेक्टरमे क्षति पुगल जानकारी डेलै । उहाँक अनुसार धानमध्ये राधाबार, बास्मतीलगायत जातके बालीमे ढेर क्षति पुगल बा ।

“अगौटे जातके करिब २० प्रतिशत किसान धान काटसेकले रहै, बाँकी हावाहुरी ओ वर्षासे खेतमे गिरल बा, सिंह कलै, “अभिनसम करिब नौ हजार ६०० हेक्टर क्षेत्रफलके धान किल काटल बा । बाँकी बाढ ओ निरन्तरके वर्षाके कारण सरना अवस्थामे पुगल बा ।”

अभिन फेन वर्षा हुइटरहल ओरसे किसानसे काटके ढरल धान फेन उठैना समस्या हुइटरहल उहाँके कहाई बा । “कुछ दिनमे घाम लागि कलेसे पानी सुखलपाछे गिरल धान निकारे सेक्ना, मने कुछ गुणस्तर भर घटके आइ, नैकि उ सरके जेना अवस्था बा,” उहाँ कलै ।

रामधुनी नगरपालिका-९ के किसान जंगबहादुर घिमिरेसे दुई बिघा क्षेत्रफमे लगैना धान वर्षासे पूरे नष्ट पारल बटैलै । उहाँक अनुसार वर्षासे

खेतमे बाँकी रहल धान फेन सरना अवस्था बा । “करिब १२ कठठा जत्रा धान खैना वा गाईवस्तुहे घाँसेके रूपमे प्रयोग करे फेन नैमिल्ला मेरिक क्षति हुइल बा । दुई दिनके वर्षासे दुई लाखसे ढेरके नोक्सानी हुइल,” उहाँ कलै ।

घिमिरे पाकल धान कुछ काटके ढरलेसे फेन वर्षासे क्षति पुगल बटैलै । उहाँ कलै, “गैल असोजमे आइल वर्षासे खास नोक्सान नैकरल, मने अब्बेक वर्षासे काटल ओ कटना बाँकी धान पूरे नष्ट करल । रोपाईँके समयमे पानीके अभाव हुइल, डिप बोरिङमार्फत लगाइल धान पक्का बेला वर्षासे तहसनहस बनाइल । हमार जीविकोपार्जन कलेक खेती हो, औरे कुछ पेसा व्यवसाय नैहो ।”

रामधुनीके किसान सुरकुमार राई करिब नौ कठठामे लगाइल तरकारी ओ आठ कठठाके धान बेमौसमी वर्षासे नष्ट पारल बटैलै । उहाँ कलै, “तरकारी फरल रहे, धान फेन पाके लागल रहे, सब खेतमे परल । यिहे धान ओ तरकारी वर्षभर खैना अन्नके व्यवस्थापन करटि, आब कैसिक वर्षादिन गुजारा करना कना चिन्ता बा ।”

सुनसरीमे चार सय ५८ हेक्टरमे हुइना कोदोखेतीमध्ये करिब १० प्रतिशतमे क्षति पुगल कृषि ज्ञानमे केन्द्रके प्रमुख सिंह बटैलै । उहाँ कलै, “कोदोके बोट कुछ होचो ओ बलगर रहल ओरसे कम क्षति हुइल ।” आठ हजार १०० हेक्टरमे हुइना

तरकारीखेतीमध्ये करिब ९५ प्रतिशतमे क्षति पुगल उहाँ जानकारी डेलै ।

प्रमुख सिंहके अनुसार फरल काँक्रो, परवल, बोडी, घिरौललगायत तरकारी तथा बिरुवा फेन नष्ट हुइल बा । जिल्लामे ५३० हेक्टर क्षेत्रमे हुइना केरा खेतीमध्ये ८० प्रतिशत वर्षासे नष्ट करल जनैति उहाँ कुछ उखुखेतीमे समेत क्षति पुगल बटैलै ।

जिल्लाके देवानगञ्ज, रामधुनी, कोशी, इनरुवा ओ भोक्राहा नरसिंह गाउँपालिकामे सबसे ढेर धान, केरा ओ तरकारीखेतीमे क्षति पुगैना ज्ञान केन्द्र जनैले बा । केन्द्रके प्रमुख सिंहके अनुसार अभिनसम संकलन हुइल विवरणमे करिब रु. दुई अर्ब ५० करोड बराबरके क्षति हुइल बा । उहाँ कलै, “सब पालिकासे क्षतिके विवरण संकलन हुइल बा । यकर लाग सम्बन्धित निकायहे विवरण संकलनके लाग पत्राचार कैरेकल बा ।”

सुदूरपश्चिम प्रदेशको अत्याधुनिक सुविधा सम्पन्न हस्पिटल

Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, छाती, मुटु रोग विशेषज्ञ)	रेडियोलोजी विशेषज्ञ	न्यूरो, मस्तिष्क, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारील विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थायरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
घाला, यौन, कुष्ठरोग तथा सौन्दर्य विशेषज्ञ	मुगुला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal
 091-527000/01/02, 9865680100, 9804600745
www.nisargahospitalnepal.com | [facebook.com/nisargahospitalnepal](https://www.facebook.com/nisargahospitalnepal)

सुदूरपश्चिम प्रदेश सरकारके बजेट खर्च निराशाजनक बस दुर्घटनामे घाहिल सहचालकके उपचारके क्रममे मृत्यु

पहुरा समाचारवाता

धनगढी, १६ कार्तिक । सुदूरपश्चिम प्रदेश सरकारसे चालु आवके तीन महिनामे बजेट खर्च निराशाजनक रहल बा । प्रदेश सरकारसे चालु आव २०८२/८३ के सावनसे कुवॉरसम ४.१५ प्रतिशत बजेट केल्ह खर्च करे सेकल हो ।

चालु आवके लाग प्रदेश सरकारसे कुल ३३ अर्ब ४७ करोड ६० लाख बजेट विनियोजन करलमे तीन महिनामे १ अर्ब ३८ करोड ५८ लाख केल्ह खर्च हुइल प्रदेश लेखा नियन्त्रक कार्यालय कैलालीके प्रमुख वाशुदेव जोशी जानकारी डेलै । प्रदेश लेखा नियन्त्रक कार्यालयके अनुसार चालुओर १ अर्ब १८ करोड ७८ लाख ओ पूँजीगतओर १९ करोड ८० लाख खर्च हुइल बा ।

मुख्यमन्त्री तथा मन्त्रिपरिषद्के कार्यालयसे ५.३३ प्रतिशत अर्थात् २ करोड ३३ लाख,भौतिक पूर्वाधार विकास मन्त्रालयसे १.६३ प्रतिशत अर्थात् २५



करोड १ लाख, सामाजिक विकास मन्त्रालयसे ६.९० प्रतिशत अर्थात् ४७ करोड ९२ लाख ओ उद्योग, पर्यटन, वन तथा वातावरण मन्त्रालयसे ६.५७ अर्थात् १५ करोड ३३ लाख खर्च करल

उहाँ जानकारी डेलै । ओस्टेक करके, भूमि व्यवस्था, कृषि तथा सहकारी मन्त्रालयसे ३.३४ प्रतिशत अर्थात् ११ करोड,आर्थिक मामिला मन्त्रालयसे ११.०१ प्रतिशत अर्थात् २

करोड ३५ लाख ओ आन्तरिक मामिला तथा कानून मन्त्रालयसे १.९९ प्रतिशत अर्थात् ७१ लाख खर्च करल प्रदेश लेखा नियन्त्रक कार्यालयके तथ्यांक बा ।

प्रदेश व्यवस्थापिकासे १८.२६ प्रतिशत अर्थात् ३ करोड ६५ लाख, प्रदेश लोक सेवा आयोगसे ११.५० प्रतिशत अर्थात् १ करोड ४१ लाख ओ प्रदेश नीति तथा योजना आयोगसे ९.१० प्रतिशत अर्थात् ६७ लाख खर्च करल प्रदेश लेखा नियन्त्रक कार्यालय जनैले बा ।

कार्यालय प्रमुख जोशी कहलै 'सावनमे टे ओटरा बजेट खर्च नैहुए । खास करके खर्च हुइना भदौसे हो । उ बेला हुइल जेनजी आन्दोलनसेफे यम्ने असर परले बा । बजेट खर्चमे अन्यौलता हुइल । उ फे कम खर्च हुइल बा ।' प्रदेश सरकारसे खर्च कटौतीसे बजेट कार्यान्वयनमे हुइल अन्यौलता कारण खर्चमे कमी हुइल उहाँक कहाई बा ।

प्रदेश सरकारसे चालु आवके लाग चालुओर १० अर्ब २० करोड ८१ लाख, पूँजीगतओर १९ अर्ब ८३ करोड २ लाख ओ वित्तीय हस्तान्तरणओर ३ अर्ब ४२ करोड ७७ लाख करके कुल ३३ अर्ब ४७ करोड ६० लाख बजेट विनियोजन करल रहे ।

पहुरा समाचारवाता

धनगढी, १६ कार्तिक । शनिच्चरके रोज बस दुर्घटनामे परके घाहिल हुइल बस सहचालकके मृत्यु हुइल बा ।

मार्तडी कोल्टी सडकमे पर्ना बूढीनन्दा नगरपालिका-७ सेरकाटियामे बस दुर्घटना हुके घाहिल हुइल बैतडी जिल्ला दशरथचन्द्र नगरपालिका-९ के २४ वर्षीय गणेश जोशीके उपचारके क्रममे मृत्यु हुइल जिल्ला प्रहरी कार्यालय बाजुरा निमित्त प्रहरी नायब उपरीक्षक गगनसिंह भाट जानकारी डेले बटै ।

घाहिल जोशीके अवस्था जटिल हुइलपाछे थप उपचारके लाग धनगढी पठाइल रहे । अस्पतालमे उपचारके क्रममे शनिच्चर रात १० बजे मृत्यु हुइल प्रहरीके कहाई बा । बस दुर्घटनामे परके घाहिल हुइल आठ जनहनहे भर थप उपचारके लाग सेती प्रादेशिक अस्पताल धनगढी पठाइल जिल्ला अस्पताल बाजुरासे जनैले बा । घाहिलहे शनिच्चर रात एम्बुलेन्स ओ जिपमार्फत धनगढी पठाइल जिल्ला अस्पताल बाजुराके सूचना अधिकारी नृपराज गिरी बटैलै ।

स्वामीकार्तिक खापर गाउँपालिका-

३ जुकोटके २३ वर्षीय विशाल शाही, बूढीनन्दा नगरपालिका-६ छातीकोटके १९ वर्षीय उमेश भाट, उहे नगरपालिका-५ बैठना २४ वर्षीया जमुना मल्ल, उहे नगरपालिका-५ छातीकोट बैठना सात वर्षीया लक्ष्मी मल्लहे थप उपचारके लाग पठाइल सूचना अधिकारी गिरी बटैलै । ओस्टेक करके, बूढीगंगा नगरपालिका-९ जुवापानी बैठना २२ वर्षीया पवित्रा सिंह, उहाँके छाई दुई वर्षीया जेनिशा सिंह, पाँच वर्षीया पल्ले सिंह, जेसिका सिंह ओ बूढीनन्दा नगरपालिका-७ सास्ता बैठना ४५ वर्षीया इसरा देवी सुनारहे थप उपचारके लाग धनगढी ल्यानल बा ।

कोल्टीसे धनगढीके लाग छुटल सुप.प्र ०१-००१ ख ३१८१ नम्बरके बस सडकमे रोकके सामान छतमे रखल क्रममे एकाएक पाछे जाके दुर्घटना हुइल प्रहरी जनैले बा । बस दुर्घटनापाछे चालक फरार बटै । घटनाके थप अनुसन्धान हुइटी रहल जिल्ला प्रहरी कार्यालय बाजुरा जनैले बा ।

साँफे बजारमे आगलागीसे सात पसल जरके नष्ट



अछाम, १६ कार्तिक । अछामके प्रमुख व्यापारिक केन्द्र साँफेबगर नगरपालिका वडा नम्बर ३ स्थित हाटबजारमे शनिच्चर रात आगलागी हुइल बा । आगलागीमे परके ७ पसल पूर्णरूपमे जरके भुवा बनल बावै । स्थानीयके अनुसार आगी करिब पौने ९ बजे ओर सुरु हुइल रहे ।

गत वैशाख १३ गते इहे स्थान लगगेहे

आगलागी होके ढेर क्षति हुइल रहे । छ महिनामे डोसरचो लागल आगलागीसे बजारके व्यापारी पुनः शोकमे डुबल बटै । सुरक्षा निकाय ओ स्थानीय बासिन्दासे निर्माण व्यवसायी गौतम कुँवरके जेसिवी र ईन्दसरा आयल स्टोरके पानी ट्याक्टरके सहायतामे करिब डेढ घण्टापाछे आगी नियन्त्रणमे लेना सफल हुइल रहित ।

आगलागीसे जरके नष्ट हुइल पसलमे अशोक कुँवरके जुता पसल, महेन्द्र कार्कीको किराना पसल, बलबहादुर कुँवरके होटेल, सुमन कुँवर (ईभी) के काण्टर/डोका डाला पसल, कर्ण कुँवरके अग्रोभेट सेन्टर, वैद्यनाथ फेन्सी स्टोर ओ नरबहादुर गिरीके सिलाइ-कटाइ पसल रहल बावै । प्रारम्भिक अनुसन्धान अनुसार, विद्युत् सर्त हुइल कारण आगलागी लागल जिल्ला प्रशासन कार्यालय अछाम जानकारी डेले बा । संयुक्त प्रयाससे आगी नियन्त्रणमे लेलेसे फेन पसलभितरक सामान बचाइ नैसेकल हो ।

प्रारम्भिक अनुमान अनुसार आगलागीसे लाखौं रुपियाँ बराबरके धनमाल नष्ट हुइल बा । स्थानीय प्रशासनसे पीडित व्यापारीहे राहत ओ क्षतिके विवरण सक्तलन कार्य आघे बहाइल जनाइल बा । इहीसे आघे वैशाखमे फेन उक्त क्षेत्र लगगे आगलागी हुइल रहे ।

नियमानुसार नविकरण हुइल सदस्यहे विषेश छूट तथा सहूलियत प्रदान कैना जनागिल बा ।

महोत्सवमे व्यवसाय तथा दर्शकहकनके सुरक्षाहे ध्यान डेके विमाफे कैना बा कलेसे भैपरि अइना विपदके पूर्व तयारीके लाग दमकल, प्राथमिक उपचारलगायत तयारी अवस्थामे रना जनाइल बा ।

यी वर्षके महोत्सवमे करिब ७ लाख व्यक्तिसे अवलोकन कैना अनुमान करल बा । सुदूरपश्चिमवासीसे गर्वके साथ पर्वके रुपमे मन्टी आइल सुदूरपश्चिम महोत्सव व्यापार व्यवसायके जगतमे उत्कृष्ट ओ अनुपम नमुनाके रुपमे रना विश्वास लेहल बा । महोत्सवहे भब्यरुपमे सम्पन्न करेक लाग मूल आयोजक समिति सहित २३ उप समिति रहल बा ।

सुदूरपश्चिमके १९औं...

सांस्कृतिक रुपमे धनी सुदूरपश्चिमके कला संस्कृतिके गरक्षण सगै यी क्षेत्रके कला संस्कृतिमे सम्भावना रहल ओ योगदान डेहल कलाकारहकनहे स्टेजमे प्राथमिकता डेना, यी क्षेत्रके उद्यमी व्यवसाय उत्पादनहे प्राथमिकता जनागिल बा ।

सुदूरपश्चिमके परिकार सहितके महोत्सव स्थलमे खाना खाजाके स्टल रना बा । जेम्ने सरसफाई तथा उत्कृष्ट व्यवस्थापनके लाग सरोकार निकाय विच समन्वय करटी रहल अध्यक्ष ओभ्ता जनैले ।

महोत्सवमे स्थानिय व्यवसायीहे विषेश प्राथमिकता डेना बा कलेसे कैलाली उद्योग वाणिज्य संघमे दर्ता हुके

हर्क साम्पाड पैलै दल

दर्ताके प्रमाणपत्र

काठमाडौं, १६ कार्तिक । धरानके मेयर हर्क साम्पाड नेतृत्वके श्रम संस्कृति पार्टीसे आधिकारिकता पैले बा । उ पार्टीके अध्यक्ष हर्क साम्पाड अँटवारके रोज निर्वाचन आयोग पुगके दल दर्ताके प्रमाणपत्र लेहल बा ।

साम्पाड नेतृत्वके श्रम संस्कृति पार्टीके चुनाव चिह्न माटीसे धारल बा । उ पार्टीमे २८ जाने केन्द्रीय सदस्य ओ पाँच जाने पदाधिकारी बटै । उपाध्यक्षमे देवराज लामा, महासचिवमे आर्यन राई, कोषाध्यक्ष समिता राई रहल बटै । प्रवक्तामे अरुण गुरुङ रहल बटै ।

गैल कुवॉर १२ गते अँटवार साम्पाड अपनही निर्वाचन आयोग उपस्थित हुके दल दर्ताके निवेदन डेहल रहित ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

स्वच्छ सहर: स्वस्थ शहर

- ❖ धुवाँ बढी फाल्ने सवारी साधनको प्रयोग नगरौं,
- ❖ सवारी साधनको समयसमयमा मर्मत सम्भार गरौं,
- ❖ तोकिएको स्थानमा मात्र फोहोर फालौं, जथाभावी नफालौं,
- ❖ करेसावारी, सडक छेउ र सार्वजनिक स्थानमा वृक्षारोपण गरौं,
- ❖ सार्वजनिक स्थलका बोट विरुवा तथा फूलको संरक्षण गरौं,
- ❖ स्वच्छ पानी र सरसफाईमा ध्यान दिऔं,
- ❖ ध्वनि र वायु प्रदुषण कम गरौं,
- ❖ सडकको समयसमयमा मर्मत संभार गरौं,
- ❖ सडकमा निर्माण सामग्री नराखौं ।

शहरलाई सफा राखौं, सुन्दर बनाऔं !



कैलाली अस्पताल प्रा.लि

Provide Health Related Services



सेवाहरू:

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजो रोग
- ❑ T.B, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत

MBBS, MD (TU), Internal Medicine
Senior Consultant Physician
NMC NO. 20304

➤ आउने समय : प्रत्येक दिन (२४सै घण्टा)

For More Details:

☎ ०८१५२८५५५, ५२८६५८

📍 धनगढी-१, पशुपति टोल (जिल्ला प्रशासन कार्यालय अगाडी)

✉ info@kailalihospital.com

🌐 www.kailalihospital.com